

摘藻堂四庫全書薈要

集部

欽定四庫全書薈要

集部

誠意伯文集卷四

詳校官助教臣謝登萬



欽定四庫全書薈要卷一萬六千五百六十二

集部

誠意伯文集卷四

明 劉基 撰

慶瓠集四

古詩

爲祝彥中題山水圖

高軒玲瓏不受暑半幅輕綃宿烟雨白屋素壁生空明
似聞水聲繞庭宇松髯拂天藤蔓垂枯根瘦石相因依

寒濤不驚虎兕卧嵐翠欲與蛟虬飛空江悠悠一漁艇
渚白沙明萬魚靜武陵桃花何處尋落日微風片帆影
寄江西黃伯善兄弟

我思美人乃在洞庭之陽彭蠡之陰衝波亘天三百里
離恨比之應更深揚瀾咆哮左蠡怒白日慘慘玄猿吟
欲往從之憤余心鼃鼃艱詭不可以駕風撻撻兮雨淫
淫望厭原之飛烟邈匡廬之高岑霞標日觀矗南斗石
門雙闕撐嶸嶸虹旌兮翠羽昌容兮鳳凰舞菽衣兮蒞

襟玉笙吹兮紫鸞音望不見兮悲莫任江水湛湛愁楓
林西來文魚曾到海願寄筆札逾兼金

題安仁余氏留餘堂

君不見石季倫對案方丈皆八珍珊瑚夜光視如土寧
知汨沒同埃塵又不見李贇皇平生鼎食滿萬羊中厨
烟火宵未冷詔書趣使趨南荒金谷名園委蔓草平泉
荆棘無人掃榮華瞬息可奈何空令過者傷懷抱世人
積金貽子孫一朝金盡難復論古來天道有好還君看

漢代于公門

送胡季瑋平江監倉

君不見棠谿沙中金又不見龍門山上桐
衝波蕩汨入坎窞石溜漱嚙歌雷風梓人桃氏不見顧自分委棄蒿
櫟同一朝清廟作雅樂搜索絡繹奔垂工飛廉鼓鑄王
爾斲熾炭利鑿相治礪朱絃橫絙筍簾立鎮圭袞冕齊
雍容世間物理有消息累土自可成穹隆司倉雖微君
莫棄君不見魯叟當年嘗委吏

弋陽方氏壽康堂詩

先生築堂依林臯繞屋杉松浮翠濤烏皮靈壽扶鸛髮
項有千歲雙垂條小孫踉蹌竹馬戲大孫綵衣花底翱
有耳不聆闐闐音有目不識簿領曹鸞啼燕語日高起
羽觴汎汎浮春醪君不見非熊老人釣清渭九十鷹揚
亦勞瘁

徐資深華山圖歌

華嶽挿天七千丈丹崖翠壁開仙掌壁間壁出黃河流

大禹以之分九州河流衮衮赴溟漲華岳拔出天河上
雲宮霧窟疑本無石室金臺儼相向玉泉高通玉井津
中有蓮實如車輪世人肉食未羽化可望不得聊相親
高堂晚晴圖畫展眼明一見心目遠世間塵土今紛紛
吾當拂衣卧山雲

題仲山和尚羣魚圖

濠梁之樂誰能寫蜉蟻死後無畫者上人安知身非魚
援毫貌出態更殊剡藤素拂秋雲冷眼前驚見滄江永

翠尾輕披水上萍，玉鱗倒漾空中影。前行十二相迴環，
吹滯煦沫淵沄間。最後羣趨儼成列，皎若寒霄舞流雪。
却思昨夜風雨來，赤鯉已去隨奔雷。鰕鱖不作霄漢夢，
潛心泳暖何悠哉。贈言還畫重太息，芒鞋竹杖今何適。
慎勿作海水，洶湧龍崢嶸。空令素壁凝塵生。

永康胡元鼎白雲樓

少年辭家往京國，蓬根一斷無消息。有時長想白雲飛，
江海茫茫淚霑臆。歸來拜母悲且喜，悔作他鄉遠遊子。

却起高樓對白雲綵服翩翩足甘旨昔時望雲煎百慮
今日看雲美無度却憶天涯望雲日平生心事從此畢
贈醫士黃元之

先生軒轅之子孫手提萬物生死根神功微妙不可狀
能使元氣回遊魂篋中永芽抽粟粒丹光照耀三彭泣
銜珠不受脩蛇報采藥常令白猿拾結廬幾歲吳山阿
赤松玄俗時相過更向蓬萊下神水併與人世清煩病
爲本大師題唐臨晉帖

乾符天子萬機暇宮中扈從多儒冠玉堂開宴出晉帖
翠氣蕩搖山雪寒侍臣模寫各臻妙碧樹瓊柯相照耀
令孜嗟嘆至尊喜內官拜舞宮娥咲日斜宴罷歸內園
外門有事人不言君不見關東夜飛赤白丸昭陵玉匣
秋風酸

題老翁騎牛圖

白日上悠悠竹梢霧已收晴天不易得及時當放牛鄰
家放牛多兒童我家無兒只老翁寒衣在機織未就原

上烈烈多高風勿言衰老筋力薄有牛可放殊不惡但願天公不相惱牛背閑眠飢亦好

題額森進德祖母徐氏節義傳後進德之祖以戰死時其祖母年尚少

凰乃鳳之匹麒麟乃麟之儔錦衾角枕期白髮誰知不得同山丘丈夫殉節殞烽矢英靈在世何曾死兩龍未合延平津白日無光天色紫君不見青松與兔絲引蔓相纏紫松摧絲蔓斷結根猶作千歲苓洞房含風霜露早

孤兒啞啞在懷抱皇天可憐兒長成相見黃泉情亦好

題鍾馗役鬼移家圖

髯夫當前驚婦後腊鬼作糧驅鬼負虹蜺可駕雷可車
胡爲役鬼來肩輿乃知老馗未公正怙威植私干律令
玄雲沈陰鬼恠多馗乎馗乎柰爾何

爲杭州鄭善止題蓬萊山圖

君不見大瀛海中有神嶽如崑崙周遭四城五十里石
骨纏繞扶桑根琪華爛日珠炫夜翠樓玉殿虎守閣鍾

山燭龍在其北兩眼燐燐如朝暾仙人東王公掌握天
紀弼帝尊長虹爲轅龍作馬飄然乘風白日在下弱水
蕩蕩無力可負芥自從大禹刻石之後來者寡彼秦之
皇其貪如狼而漢之武其欲如虎樓船萬斛空巍巍欲
到不到風掣之徐市蜉蝣身乃欲邀安期文成五利小
豎子羊質彊使蒙貌皮神仙大咲起濤浪射魚海上夫
何爲

壽山福海圖歌

吾聞軒轅之國乃在大海之中央其不壽者八百歲壽
者乃與天地同久長樓臺縹緲造雲漢赤日繞戶扶桑
涼玉泉之水清以香瑤草之味如瓊漿洪崖有時來環
佩聲琅琅鳳凰自歌鸞自語青蛻連蜷白雲舞淋漓豹
髓浮縹觴錯金盤薦麟脯耳聞楚水泣皇英眼見商
郊葵彭祖琪華生樹宵有光東風入律春茫茫春茫茫
樂無極青雛夜夜月中來廣寒姮娥寄消息

爲王輔卿郎中題雪灘寒鴈圖

雲茫茫水浪浪林木脫葉無稻梁烏啼鴈叫天蒼涼歲
云莫矣江山長有竹有竹在高岡三株凍折兩復僵小
禽悲飛不能揚蒼梧悠悠隔沅湘欲往從之川無梁願
披寒霄見朝陽勿令嗷嗷傷我腸

題金谷園圖

君不見石家名園擬黃屋蜀錦作園金作谷暖香烘日
浮紫霄冰紈火布鮫人綃燕釵十二歌白苧珊瑚玲瓏
綠珠舞月榭吹笙引鳳凰霧幄傳觴語鸚鵡燮下蠟光

宵未歇樓上佳人碎瓊雪空將遺恨寄丹青留作千年
覆車轍

送人分題得鶴山

丁令威乃在崑崙之墟閭風之巔羽衣誤作塵土夢回
首人世三千年空中落日松栢冷苦霧慘慘含悲泉夢
隨回飈訪瓊田紫雞青鴨還相憐丁令威將柰何野有
贈繳隰有罔羅前飛鳥鳶後駕鵠啄腥爭腐聲嘍囉渺
予懷兮隔烟蘿杳冥冥兮倚長歌丁令威胡不歸槐江

之山連大駟玉樓金嶂中天開玲瓏碧樹鏘瓊瑰鳳凰
有閣鸞有臺君胡爲兮獨蒿萊丁令威歸去來

畫竹歌爲道士詹明德賦

我所思兮在瀟湘蒼梧九疑渺無際但見綠竹參天長
上有寒烟凝不飛下有流水聲琅琅中有萬古不盡離
別淚化作五色丹霞漿穿崖貫石出厚地風吹露滌宵
有光我欲因之邀鳳凰天路脩阻川無梁孰知畫史解
人意能以造化歸毫芒虛堂無人白日靜使我顧盼增

慨慷玄霜慘烈歲將宴鼙啼鼙叫天悲涼我所思兮杳
茫茫山中紫筍春可茹歸來無使遙相望

題蘭花圖

幽蘭花在空山美人愛之不可見裂素寫置明窓間幽
蘭花何菲菲世方被佩資叢施我欲紉之充佩褱衆衆
獨立衆所非幽蘭花爲誰好露冷風清香自老

送葛元哲歸江西

我昔筮仕筠陽初官事窘束清事踈風塵奔走僅五稔

滿懷荊棘無人鋤明堂大開壯梁棟散木不遺椽枕用
豫章江上一逢君矯矯雞羣一孤鳳城頭月出明星稀
開門望月露沾衣文章繡衣郎談屑天葩飛得句即高
歌驚起烏鵲穿林霏星流雲散隔吳楚有時夢君詩上
語坐中百谷含清暉窓外飄風度疎雨我住青山耕晚
霞君去蟾宮折桂華別來八見秋雁過忽然會合增長
嗟江南二月草未秀雪陣如濤袞清晝投壺命觴盡文
友此樂百年何日又一朝復一朝三歲如過電四牡彭

彭子獨賢江東山水看應遍人間事萬不齊我馬向南君
向西海門日照漁浦白驪歌欲斷吳雲低枯蒼山臨川水
相思迢迢一千里山高高兮水深深極望不見愁人心
應將旅魂夢化鶴永夜月明懷好音

夜聽張道士彈琴歌

道士字君度

白澗含光月照席梅花入簷珠的皪蕊宮道士彈七弦
明星在樹霜滿天鏘如暗泉發幽竇悄若空山叫哀狹
霧雨寒吹松栢響波濤怒激蛟龍鬬神奔鬼恠入杳冥

驚孤鷗寡風泠泠湘娥宵攀竹枝泣紫鳳曉啄梧桐鳴
悽悽欲斷還復續啼鷺一聲春草綠若然清商行素秋
落葉灑地蟲啾啾擁衾聽之消百慮夢逐行雲自來去
九疑連天洞庭遠海闊煙深不知處蓋宮道士聽我語
世無子期誰識女桑間濮上方施行白雪陽春棄如土
辛卯仲冬雨中作二首

江城積陰愁玄冬千家萬家雲水中烏啼黃昏鴈叫夜
鼓角慘澹愁悲風青燈無光掩闌坐飢鼠相銜啼過我

讀罷殘書有所思
凍雨霏霏淚交墮

歲云暮矣風蕭蕭
木葉脫落惟空條
雲濃雨細白日短
慘慘不辨昏與朝
雨中行人足敲觶
去與公家製戎服
中原豺虎正橫戈
天寒風急柰爾何

悲杭城

觀音渡頭天狗落
北關門外塵沙惡
健兒被髮走如風
女哭男啼撼城郭
憶昔江南十五州
錢塘富庶稱第一
高門畫戟擁雄藩
豔舞清歌樂終日
割臚進酒皆俊郎

呵叱閑人氣驕逸一朝奔迸各西東玉尊金杯散蓬華
清都太微天聽高虎略龍韜緘石室長夜風吹血腥入
吳山浙河慘蕭瑟城上陣雲凝不飛獨客無聲淚交溢
夏夜台州城中作

江上火雲蒸熱風欲雨不雨天夢夢良田半作龜兆坼
杭稻日夕成蒿蓬去年海賊殺元帥黎民星散劫火紅
耕牛剥皮作戰具鋤犂化盡刀劍鋒農夫有田不得種
白日慘淡衡茅空將軍虎毛深玉帳野哭不入轅門中

健兒鬪死烏自食何人幕下矜奇功今年大軍蕩淮甸
分命上宰麾元戎舞干再見有苗格山川鬼神當効忠
胡爲旱魃還肆虐坐令毒沴傷和冲傳聞逆黨尚攻剽
所過丘壠皆成童閭司恐懼破和議斥堠悉罷雲邊烽
殺降共說有大禁無人更敢彎弧弓山中悲啼海中咲
蜃氣繞日生長虹古時東海辟孝婦草木枯瘁連三冬
六月降霜良有以天公未必長瘖聾只今幅員廣無外
東至日出西太蒙一民一物吾肺腑仁者自是哀癯癯

養集殪鳳天所厭誰能抗
䟽田宸衷夜涼木末掛河漢
海嶠月出光玲瓏仰視皇天轉
北斗嗚呼愁歎何時終

寶林同講師渴馬圖歌

天廐馬神龍姿目如明星耳如錐
拳花鬣毛雲陸離揚
鬣掉尾頰虹飛天廐馬閑且驕
繫以青絲勒以鑣渴不得飲
瑤池泉飢不得食瓊田苗豆粟不實中腸
枵口不能語足屢蹻天廐馬壯且武
食主之食須報主莖秣失時罪在牧圉
無如宋牼怨不得嚼咀喪厥元戎殄師旅

天廐馬爾不聞趙國廉將軍一飯斗米肉十斤被甲據
鞍走若雲北斬栗腹西拒秦負荆謝蘭不爲身至今天
下稱良臣又不聞漢季劉荊州有牛千斤角曲觚啖食
十倍於常牛負重不若一牝鹿老瞞度江俘楚囚骨肉
解割庖刃游天廐馬飽爾食草間封狼逭誅殛威弧撥
刺矢不直嗟爾神駿湏盡力他年定遇田子方攄上優
游終主德

題釋驂圖

關中小兒勇而競玉帳貔貅三百乘焉知道上十二牛
皇天默佑周同姓絳宮大厲吼如雷墨車載甲光照纓
鷹騰二陵間劒鋒白皚皚壯士百戰腦塗地元帥束縛
坐草萊俘囚有血堪釁鼓自分殘膏染齊斧萬死一生
直望外豈意片言由內主鴻鴈曾傷弓尚爲空考愁犀
兕脫匣出聞呼肯回頭河邊解驂徒譴謀舟中稽首心
悠悠濟河封尸勿云晚此事終作晉國羞君不見夫差
違子胥空灑姑蘇泣丈夫深戒婦人仁養虎遺患悔莫

及

中峰永先和尚醉墨圖歌

老先行脚遍天下五湖七澤胃中吞淋漓醉墨落人世
恍惚目擊瀟湘存蒼梧飛龍去不還洞庭赤沙流水渾
九疑竹枝餘淚痕澧蘭沅芷化蕭艾古木雨爍寒烟昏
雲帆縹緲向何處波浪瀕洞驕魚鼈我生胡爲羈旅間
感時覩物生愁怨還君此畫歌一曲悲風慘淡來崑崙

題錢舜舉馬圖

吳興公子雅好奇欲把丹青競天巧花蜂柳鶯看已足
貌得驊騮圖更好浪花滿身蹄削礪兩耳抽出春筍尖
風鬣欲拂九霄霧隅目似掛高秋蟾昨者王良失韉韞
封狼咆哮蛇豕闕天閑乘黃越在野出車未見歌南仲
嗚呼安得此馬背負郭令公掃清四海歸奏明光宮

題王元章梅花圖

道人紅顏映髭雪欲與梅花鬪清潔夢魂化作梅花神
貌得梅花最奇絕高軒落筆當晴曦北風吹樹寒雲垂

九霄露洗珠玉蕊野水影動龍蛇枝勞生苦被煩熱惱
見此令人暢懷抱虛堂夜半明月入玄鶴一聲驚絕倒
西湖處士骨已槁湖上淡烟迷蔓草石壇日夜長蒼苔
紫脫瑤英爲誰好羅浮山在何處聞道其間無散木只
有梅花三萬樹黃初平在金華山中白羊許借我與爾
並駕凌飛霞

金碧山水圖歌

武陵桃源今有無展畫渾如夢中見青螺作山綃作雲

白日蒼茫暖芳甸雄梁跨壑矯脩虹走瀑懸崖激飛電
紫鳳宵鳴梧樹枝青雛曉啄桃花片鳥啼長是豔陽時
草色寧隨霜雪變衣冠尚存周典則租稅不輸秦郡縣
山中肉芝美堪食澗底石泉清可嚙安得此地結茅屋
寄書漫託雙飛燕

題松下道士携琴圖

道士抱琴松下行松風入耳清涼生石梁苔滑不可上
潭水冷泠學琴響琴有意兮水無心水中有龍能聽琴

琴聲淒斷水流咽月滿空山落松雪

題縣崖蘭花圖

洞庭一夜西風起沅湘美人隔秋水翠蕤玉佩冷不收
怨入蒼梧九千里蒼梧之山絕浮烟上與女媧所鍊之
石相牽連瘦根迸雲石爲穿紫莖瓊蕊滴飛泉一開一
落三千年歲晏玄霜白日昃南山桂枝化爲棘我欲采
之無羽翼月宮青鸞呼不來卧看月明空太息

題雪汀圖

天迷迷地茫茫雲垂日白江水黃
跋烏凍縮龍走藏
雪花如月開搏桑彼何人斯一葉
航手持釣竿詠滄
浪詠滄浪倚逍遙
天風吹入瑤池去
素女素娥應見
招

爲董楚芳題山水圖

金庭接四明會稽藏禹穴半嶺生白雲如濤湧
溟渤我
住城南隔天鏡朝夕看山見山性是誰模寫作
畫圖展
向高堂色相映天上寶書緘石室翠栢蒼筠曉
蕭瑟有

蛟如龍身九屈林深嶂疊不見日龍氣吐爲烟霧出何
處樓臺杳靄中蓬萊只在雲門東陽崖不留建木影陰
澗自起樵人風賀知章今已矣湖邊酒船爲誰艤赤城
霞標通宛委陵苔花開落松子蕙帶荷衣歸去來清泉
素石無泥滓

寄陶中立郭秉心叙舊言懷

爲別未五載恍如生死隔有時長想愁欲狂中夜感歎
無羽翼憶昔相逢俱壯年錢唐柳綠花含烟粉牆繚繞

子雲宅華燈照幙自草玄春城飛雪滿一月立馬敲門
馬蹄沒銅壺驍箭三十六易坐更投鏃相訖仰天大咲
催命觴酒多雪急天茫茫論文握手到爾汝知有膠漆
無參商君行却向江東去我亦棲遲廣文署震澤風驚
白鴈秋玉山露落青楓暮井邑蕭條劫火餘行人何處
問緘書傳聞那得辨真假引領遙望空嗟吁今年飄泊
越城裏重見手書悲且喜舊游雖在舊人非獨立看雲
淚如水羨君絳帳開海濱綵衣堂上生陽春艱危大幸

適樂土况有主翁賢且仁嗟余數與時不偶畫虎不成
祇類狗家鄉蕩折身轉蓬棄置田園事奔走豺狼在郊
蛇在藪府縣官曹但糊口藩垣久厭邊鄙報旌丘載馳
徒疾首郭公子今何如璞中之玉可照車委棄土壤慚
砭砭往事轉頭同過翼猿鶴蟲沙豈終極南山直榦劈
雷電般匠束手無顏色殷勤寄情素會面未有期願言
努力各自慰莫遣青鬢先成絲

和吳以時秋夜長篇

秋夜長今日何日此何鄉流螢在砌苔在牆明星滿天
月照床東西南北路渺茫車何爲乎水中央秋夜長今
日何日此何鄉

雪晴偶興因以成篇

玄雲四垂天黯黯大野蒼茫飛雪糝北風刮面利如刀
海氣昏昏迷遠覽若華東光封密霧比屋無烟色悽慘
天姥沈陰禹穴閉扶胥海濤渾不撼愁埋朱鳳入杳冥
凍縮赤蛟深坎窞猿狖哀號咽巖谷鴻鴈驚啼亂葭菼

壯士金戈鋌鏑凌將軍玉帳旌旗黥師徒百萬盡熊羆
幕下從官皆燕頤馬蹄蹴蹋坤軸震夜半入蔡何人敢
蒼山野客拙且懶旅舍蕭條坐無毯頑童汲井十指直
稚子敲冰兩髦髧今朝出日照梁棟樓外遠山皆茁茁
初驚急溜瀉源泉漸看縣澗掛旒旒那無美酒洗胃臆
空有新詩吐肝膽先人敝廬松栢在墻角早梅應可擘
蝮蛇張鱗虎掉尾平地倏忽成窠掩藩閫官曹厚祿食
忍以黔黎為醢醢天民日望天愛憐破瓦頽垣最悲惜

農家齊仰二麥成且喜土膏滋九坎清晨樹上啼布穀
柳下碧波漪澹澹安得扁舟泛五湖莫使中心攢百感

題陸放翁賣花叟詩後

君不見會稽山陰賣花叟賣花得錢即買酒東方日出
照紫陌此叟已作醉鄉客破屋含星席作門濕螢生竈
花滿園五更風顛雨聲惡不憂屋倒憂花落賣花叟但
願四海無塵沙有人賣酒仍賣花

題柯敬仲墨竹花石

紅桃花天天綠竹葉蕤蕤水邊石上相依倚恰似佳人
配君子奎章博士丹丘生寶書鑑畫芸閣清染朱涅翠
歸墨筆收入造化無逃形烟濃風暖春如醉竹有哀音
花有淚花枯竹死今幾年空留手跡令人憐

爲包與直題太一真人圖

太一真人龐眉須不知所持何代書既不學昴星降精
下輔隆準公又不學傳說請帝通夢寐左右商王陳範
謨眇然一葉蓮花萼清秋風吹落泥塗紅凋粉瘵不可

扶君何為乎以爲桴蕩漾九河凌五湖夸耀水伯驚天
吳坐令文成五利之輩假借神聖欺庸愚靈旗風翻壯
荆符肇庶無鬼夫何辜漢宮天祿連石渠金釭銜壁麗
綺䟽青藜有燄如芙蕖何不分餉依光夜績之徐吾高
堂眈眈縣畫圖作歌一咲駭里閭

爲戴起之題猿鳥圖

牧谿畫

巴東之西巫山高連峰挿天關鍵牢中有懷陵巖谷之
波濤藤蘿杳冥風怒號人跡不到神鬼逃但見野猿沙

鳥羣相嘈聾耳百竅搖巖壑此景可聞不可遭爾何爲
乎貌以毫毛嗟哉用心無乃勞江盤峽束雷雨昏崩崖
死樹纏古根玄猿抱兒隨白猿長臂嫵媚相攀援舐睽
譎詭趨騰騫縣柯攫石墜且掀上有滿月如蘋盆簞簍桃
枝寒自蕃嘉實不食鳳高翻但見娥皇女英之淚痕勢
窮險盡原野闢落日烏鴉繞雲黑荻花茫茫蘆葉赤前
飛鵠鷁後鳬鷖瀟湘洞庭烟水碧騶虞鸞驚無顏色還
君此畫長太息獨立看天淚沾臆



題界畫金山圖

岷山導江入海長金山却在江中央下有地軸連扶桑
上有鳥道通九陽白波繞之如雪霜杳然浮空或低昂
但見危樓峻閣造牛斗一似蓬萊之鏘鏘撞金伐革殷朝
夕丹雘翠葩相焜煌巖崖洞谷蛟龍堂斑鱗錦紋頽頽
張隱嶙窈窕變暄涼虎蹄豹跡萬古不可到海若夜出
烟霞香摩尼之珠明月光目連持來自西方謂能驅遣
毒沴消災殃轉惡爲善回妖祥嗟我欲往不能翔畫中

忽見心飛揚涉水有鼉野有狼武陵桃花今渺茫浩歌
一曲增慨慷

題界畫卧龍山樓閣圖

巍巍乎大海之西浙河之東是曰會稽夏后所封吞雲
吐雨隔躔次闔闢光景調春冬地平天成五千載職貢
長與中華通洞天石室神仙宮香爐紫氣騰芙蓉禹穴
窈窕潛蛟龍玉書金簡今無踪但見蒼松翠栢掩暖閉
白日猿狖叫嘯生悲風卧龍何蜿蜒向之離立如孩童

上有朱甍碧瓦縹緲浮玄穹
流星穿牕月掛戶下視水
木光玲瓏多年不見嘗瞻處
野花自落莓苔中綠蘋香
飄揚柳濃漁舟一葉波溶溶
黃冠賀老已寂寞澹烟細
雨空青楓雁山狂客意匠工
能以翰墨偷天功對此使我
心神融便欲築室依龍嵒
短衣瘦策尋葛洪
燕服石髓餐晴虹
翩然遠逐浮丘公
不須懷古意
慘戚伯夷綺
李俱蒿蓬

題羣龍圖

世間萬類皆可觀茫昧獨有鬼與龍此圖畫龍二十四
狀貌詭譎各不同得非物產有異種或曰神變無常蹤
一龍捷尾欲上水足爪猶在淵沚中一龍出穴飲澗底
頭上飛瀑瀉白虹前有一龍已在雲頤視厥子揚雙瞳
浪波魚鱗沓硿礧日車垓北天無風中庭兩龍忽相逢
湏眉葩髣如老翁便欲角觝爭雌雄西望積石接崆峒
白龍擘石窺流淥河伯遠遁虛其宮屈蟠睡者何龍鍾
老物用亢時當終峽外六龍惇以兇矜牙舞爪起戰攻

蛟鱗嚼甲含劍鋒陷胸折尾波血紅之死弗悟人誰恫
一龍引肱將欲從迴環睢盱未敢通最後一龍藏於壟
睥睨勝敗非愚矇無乃有意收全功雲中弄珠勞爾躬
不如卧沙之從容龍子學飛力未充母在下視心憧憧
何物一角額準隆觶然出洞若蛇蟲有龍接之自龍從
恐是輦穴王鮪公皮骨始蛻形猶蒙兩龍歸來倦不矜
癡龍攀石身已癢蚘蚪偃蹇歛騰衝蝨螻攫躍鬚髮茸
呿呀奔拏曲如弓百態並作何紛龐是耶非耶孰能窮

畫師昔有僧繚工能令真龍下虛空安得伶倫截竹筒
吹之呼龍出石硤使我一見開昏瞢

爲丘彥良題牧谿和尚千鴈圖

往時惠崇畫蘆鴈對之如在江湖游只今此圖又精妙
中有千里瀟湘秋乃知浮屠性多巧意匠不與凡夫儔
吳松江長具區閣天目虎丘青一髮西風九月杭稻黃
朔鴈飛來翼相戛農夫苦飢鴈獨飽此意畫師應識察
近者分明辨羽毛遠者縹緲瞻秋毫或乘飄風入烟霄

或翳落日沉隍壕起如武侯布八陣集如萬舞回旌旄
眠沙卧草鳴且翔喋呷藻荇亂蓬蒿禾空穗盡却歸去
紫塞漠漠春雲高我家南山限蒼嶺鴈飛不到川路永
深林大谷蛇豕盛愁向他鄉撫虛景人言鴻鴈比弟兄
我有兄弟隔兩城題詩卷畫謝客去無使感愴傷中情
雨中寄用章上人

月盈復魄已過五不見白日長見雨美人娟娟隔巷陌
會面不得徒延佇若邪當門泉湧礎仲蔚蓬蒿塞環堵

陰風向人作秋氣芳草日夕成宿莽玄圭上天禹穴閉
倉水使者今何許玉京羣仙翳煙霧弱水西流隔玄圃
女夷鼓歌不自覺朱鳳翅濕那能舉自從干戈起淮甸
天下無處無豺虎徵歛頻煩轉輸急更有何鄉為樂土
翳桑餓人誰復數思家遠客空悽楚半生身世付浮雲
獨立看雲百憂聚晚來天南橫絳虹雨勢未已愁雷公
井蛙谷鮒俱得意汎濫橫潦登穹隆方外文章誰最好
後有嬾公前笑老裁詩忽漫寄中情萬事茫茫聽蒼昊

王澗和尚西湖圖歌

大江之南風景殊杭州西湖天下無浮光吐景十里外
疊嶂湧出青芙蓉百年王氣散荆棘惟有歌舞留歡娛
重樓峻閣競鉛黛媚柳嬌花使人愛老僧不善兒女情
故作痴豪見真態想其泚筆欲畫時高視化工如小兒
千巖萬壑吾意匠夸娥巨靈吾指麾却憶往年秋雨夕
畫舫衝烟度空碧蒼茫不辨雲與山但覺微風響蘆荻
須臾冷月迸深霧時見松杉半昏黑開尊命客彈焦桐

扣舷大笑驚海童
鮫人唱歌魚鼈應
水底影動雙高峯
只今倏忽成老翁
可憐此樂難再逢
愁來看畫欲自適
誰知感生愁轉劇

顧周道山水圖歌

憶昔晉時顧虎頭
能畫聲名塞穹昊
千載而下繼者誰
君之耳孫字周道
江南山連滄海島
水遠山長愁絕倒
興來走筆如有神
濃抹淡粧無不好
前峰倚天自太古
知是天台是天姥
烟開波浪搖浦溆
草滿汀洲樹如羽
山迴兩崖

夾幽谷小橋俯映菰蒲綠扁舟何處覓鱸魚滄浪水寒空
濯足柳邊碧石明素沙茅廬似是陶公家衡門晝掩雞犬
寂誰人共采黃金花我屋雙溪松栢裏清泉皎潔無泥滓
鳳皇不來鷹隼逝白日鵙鴉嘯桑梓華表柱頭丁令威風
塵瀕洞何當歸感時對景重回首不知人民今是非

題米元暉瀟湘圖

米家父子皆好奇戲弄筆墨如小兒三百年來傳幾手
坐見銷鑠同春澌丹青馳譽士所耻勉強徇物寧非癡

蒼梧之山鬱嵒嶷重華往矣空寒颶猿啼鳳去竹迸淚
白日慘淡令人悲瀟湘洞庭連鄂渚江漢波濤動荆楚
不見軒轅張樂時水妃怨泣鮫人語問君此圖何處得
中有遠意衆莫識君不見岐陽石鼓字泯滅千載猶爲
人愛惜

題趙學士色竹圖

竹性本孤直磬折良可憐由來剛介有摧挫歲寒然後
知真堅虛堂無人清氣會日滿高林風影碎漆園胡蝶

去茫茫冷落瀟湘蒼玉佩我思美人淇水隈路永莫致
增悲懷雪霜紛糝嘉實晚不知鳳皇來不來

題富好禮所畜村樂圖

我昔住在南山頭連山下帶清溪幽山巔出泉宜種稻
繞屋盡是良田疇家家種田耻商販有足懶踏縣與州
西風八月淋潦盡稻穗擲比無蝗蝻黃雞長大白鴨重
瓦甕琥珀香新篘芋魁如拳栗殼赤獻罷地主還相酬
東鄰西舍迭賓主老幼合坐意綢繆山花野葉插巾帽

竹筴漆椀兼瓷甌酒酣大笑雜語諠跪拜交錯禮數稠
或起頓足舞侏儒或坐拍手歌甌羹傾盆倒榼混醯醬
爛熳沾漬方未休兒童跳躍助諠譟執遁逐走同俘囚
出門不記舍前路顛倒扶掖迷去留朝陽照屋且熟睡
官府亦簡少所求寧知宴安含酖毒耒耜一變成戈矛
高門大宅化灰燼蓬蒿瓦礫塞道周春燕營巢在林木
深山露宿隨猿猴三年避亂客異縣側身天地如浮沤
親朋阻隔童僕散疏食水飲不自謀有時惆恍夢閭里

驚覺五內攢百憂君家畫圖稱絕妙鑒別曾遇柯丹丘
想應臨榻出秘府筆意精到世罕儔村歌社舞自真率
何用廣樂張公侯太平氣象忽在眼令我感愴涕淚流
近者鄉人來報喜今歲高下俱有秋豺狼食飽卧窟穴
軍師已運招安籌人情自古共懷土况乃霜雨淒松楸
神龜且被預且困予所弗念天我尤積薪厝火非遠計
誰能獻納陳嘉猷長江波浪接淮泗白日慘澹騰蛟虬
天下農夫總供給隴畝不得安鋤耰市中食物貴百倍

一豕之價過於牛魚鹽菜菓悉買米官幣束閣若贅瘤
朝餐僅了愁夕膳誰復有酒澆其喉循環天運往必復
邪氣斲至不遠瘳此生此景須再覩引領悵望心悠悠

題湘湖圖

君山洞庭隔江水彭蠡無風波浪起明窓曉晴圖畫開
興入湘湖三百里湘江兩岸山從橫湘湖碧繞越王城
越王城荒陵谷在古樹落日長煙平游子天寒孤棹遠
七十二谿飛雪滿浩歌不見濯纓人沙鷗野猿相對晚

湖東雲氣通蓬萊我欲從之歸去來蛟鼉塞川陸有虎
兩臂無翼令心哀

爲啓初門和尚題山水圖

天下名山隨處有畫圖流傳亦良久祇園道人展橫幅
觀者稱誇同一口蒼梧九疑高挿天卷而懷之不盈手
巨靈驚呼盤古怒地軸坼北昆侖剖太陽出海開杳冥
嶓冢岷峨大如斗華軒無人清晝閑恍然置我匡廬間
金輪迥出牛女上遠近羅列千雲鬟江花野竹青錦斑

嵌巖斷石蛟鼉顏岡盤谷轉絕徑路但見湖水迴瓊環
白沙洲暖春風起南船掛帆北船艤吳波不盡芳草外
楚岫半入長烟裏夜深小龍行雨歸宮亭月落彭郎磯
旌陽步虛盧老和雜佩散作虹蜺飛百年塵世真夢寐
回首旌旗塞天地舊游何處成渺茫一曲狂歌數行淚
青丘弱水迷方壺武陵桃源今有無瑤臺三島消息斷
安得羽翼歸清都

題趙學士松圖

趙公拈筆作古松平地躍出三青龍蜿蜒不上霄漢去
爽颯長留烟雨濃前朝美人闌草處猶有當時數株樹
江亭六月涼如秋應與此圖相對愁

題李陵見蘇武圖

中原無書牴不乳孤裘蒙茸柰何許老身漢節死生俱
地角天涯見明主金鞍駿馬空故人相看一笑增悲辛
悲來風沙吹上馬河水東流日西下

陳彥德以畫見贈詩以酬之

君不見昔者米南宮又不見今時趙學士能將翰墨爭
鬼工天下流傳名父子括蒼處士身姓陳小郎英俊尤
可人欲收大地入掌握筆意所到如有神曉携小幅來
贈我紅日滿牕花婀娜開軒展視心眼寬如在岳陽樓
上坐湖波吹烟入遠山君山乃在湖中間蒼梧九疑隔
湘浦孤雲目斷幽篁斑漁舟一葉來何處巫峽雨昏啼
鴉暮澤畔行人久不歸沙上輕鷗自飛去陳公子聽我
歌深林大谷龍蛇多蓬萊三島可避世欲往其柰風濤

何

長平戈頭歌

長平戰骨烟塵飄歲久遺戈金不銷野人耕地初拾得
土花敲出珊瑚色邯鄲小兒強解事枉使泥沙埋利器
四十萬人非少弱勇怯賢愚一朝棄陰坑血冷秋復春
朽壤食盡蒼蛇鱗湮淪長愧杜郵劍廢墜空憶捲喉人
故壘中宵鬼神入雲愁月暗戈應泣嗚呼當時豈無牧
與頗戈乎不遇可柰何

錢王箭頭篇

鷗夷遺魂拗餘怒欲取吳山入江去雷霆劈地水羣飛
海門扶胥沒氛霧英雄一怒天可回肯使赤子隨鮫鮓
指揮五丁發神弩鬼物辟易腥風開三百年來人事改
濤落沙平箭空在石梁飲羽未足誇蜀國三犀漫欺紿
近聞黃河水亂流青徐一半悲魚頭安得壯士斡地軸
爲拯斯民塗炭憂

次韻和舒穆魯公七月十五夜月蝕詩

招搖指坤月望日大月如盤海中出不知妖怪從何來
惝恍初驚天眼睽兒童走報開戶看城角呻吟聲未卒
蟾逃兔遁漠無蹤壁隕珠沉一何疾丈夫愕視隘街巷
婦女喧呼動圭筆輝輝稍辨河漢沫耿耿漸明荒冢漆
百官袍笏羣吏趨伐鼓撞鉦仍設鞞赤水難令罔象求
澠池莫効相如叱升簷變閣到空曠塏掩氛侵殊靡畢
廣寒桂樹却火燼借問嫦娥有何術今年下土因炎沴
草木焦枯野蕭瑟萍號暘死龍甲坼赤燂當衢掛萍實

光芒照灼玄武爛誰復瑣瑣憐蚌鷸今夜慝作最差異
天道幽微孰能詰太陰配日宰臣象無乃常刑多縱軼
近來營壘徧宇內羽林慘澹空鐵鑕荒郊廢市何所見
夔罔蛟蛇兼蚤蟲此皆在地不在天未若蝦蟇咬而獮
黃文結鄰上訴帝賜以小戎驂牡隲剖墓洗魄還月光
再起咎繇明典秩返蟾歸兔復纖阿萬古游塵避清蹕
再用前韻

虞淵鎔鈸納歸日金樞吐月相承出初離積水看若飛

稍映微雲盼猶眊是時蓐收肇視政莎雞振羽鳴蜩卒
姁娥靚粧覲玉帝坎軻中途嬰禍疾旅人苦熱愛清涼
快覩光輝滿蓬簞願開寶鑑照覆盆豈擬瘴塵昏點漆
隋珠慙固重革櫃和璧嗟蒙韎韞吳罍樹折不自謀
纖阿馬弱無人叱三足蟾驚入坎壈八竅兔走罹罟畢
園灰破暈謾傳方屑玉補凹空著術雷公駭懼罷靈鼓
湘女幽憂含鳴瑟故老謂是蝦蟇精潛伏姦妖營口實
羲和尸位罔聞知可以人而不如鷗往歲威弧弛其殼

蛇豕陸梁誰復詰高牙大纛擁藩垣腸斷吞聲受陵軼
江淮洶湧湖浙沸骸骨成山連鬼鎖萬姓喁喁釜裏魚
百官蠢蠢禪中蟲黃茅白葦棄賢良赤紱玄裳寵獐獍
吳穹示變盍警畏惟德動天天自隲况今旱魃又爲厲
東作西成不平秩安得緘辭伏閭闔聖主如聞應駐蹕
涇縣東宋二編修長歌

浙東行人過江左正值蕤賓之管吹輕葭陰氣黯黹天
地閉仰面不見扶桑鴉谷風哀鳴灌木應雨脚四垂如

亂麻崩湍湧溜汨奔會平地碾齧作臼窪便疑桑田變
滄海流永熒眼無津涯管茅披猖黃竹拜蛙黽狼藉助
喧譁滿路青泥雜隕籜局縮畏觸蛭與蛇破瓦荒畦舊
市井荆榛穢奧巢麇麇翠眉蟬鬢轉蓬去頽墻缺甃刼
火煨善淫禍福不可料韶豔天闕令人嗟叢祠佛殿總
銷歇但見木偶眠泥苴前度長洲絕短澗輿從沾濕水
沒跨寒颼瘁瑟透衣袖雖有檀蓋那能遮水邊老鸛學
人立鷺鷥侍傍如小嫫廢田蔓草結旌旆農夫盡化爲

蟲沙布穀不知時事異勸耕終日聲查查晚來雨歇到
涇縣只有蒿荻無人家縣官趨迎入公廨筋攣骨解肉
半麻蕭條破竈冷灰炆飢童凍口張哈呀溲沱麥飯那
能致新豐酒醪何處賒古稱悲歌可當哭莫恠笑謔同
兒哇夜深月出照庭樹鬼燐一似青蓮華驚魂遁魄稍
歸舍收入志慮無令邪愁雲曉霧子規叫起坐更盼羲
和車

聽蛙

繞舍荒池底且窪蟄蛙齊候鳴雷社已知地氣上如炊
更覺石泉流若瀉舉頭玉燭煥陽明跼足汙泥悲土苴
半夜條風入綺牕清晨細雨霏簷瓦梁間紫燕舞參差
枝上黃鸝語悲婉播形肖貌均有生感氣傷情孰瘖瘂
初聆衙衙雜更鼓漸聽嘈嘈成侈哆猶持堅白較同異
似坐狙丘談稷下村童叫噪聲學究悍婦勃磈喧娣姐
西域胡僧彈般若齊東老生矜炙輠逸帆觸岸靡蕪葭
醉客罵筵投蓋竿呶咬誰辨驃兒哇競若乍開賓叟嘲

怒牙嚼齧悸羅吞寤言詰屈驚宜掛徒夸楚使能詈齊
未讓秦巫工詛羊兜離傑休紛覩縷帝樂虛張洞庭野
虞夔奚暇調笙磬周瞽曷由分鄭雅旅人懷憂實無寐
遭此疆𦞙胡爲者得非作姦謀蝕月無奈聚訟騰謹誥
昔聞周公立典教蠲氏專司鞠灰灑常疑聖人茂育物
獨向微蟲少寬假乃今知其非瑣屑欲問官司乞餘炮
鳳皇驚驚聲苦希白雪陽春和偏寡蚊蠅蚤蟲多於沙
鑽啞啞鳴紛醜醜蝦蟆幸不含毒螫何苦呶號爭跼跼

烏鳶逐響蛇聽音寧顧入腹生癥瘕賦詩却笑柳柳州
忍使腥臊辱鮪鮓

贈道士蔣玉壺長歌

先生清如玉壺冰神閒志一精粹疑玄黃健順六子承
和氣塊北麓穢澄冲虛澹澹廊以弘冥茫沕穆恬無能
火鳥入海陰液升鶡蛇受約不敢騰束縛龍虎如寒蠅
虛無黃堂帝所憑四方上下齊鉤繩北幽羅酆對朱陵
女夷鼓歌王母應瓊宮夜半張華燈金葩碧葉紅氍毹

素霞鬱涵玄雲烝沆瀣厭浥淪泉興牽牛織女來相仍
用之不減亦不增地官錫福天官徵老蚌迸殼驪珠升
太一象輿駢八鵬翼以六蜺前五騰風輪蕭蕭生夏凌
參旗九旂茂緄滕二八青蛾美目睇翠黠交翟翺翥贈
屬車九九如連繩最復雷輶子所乘流蘇勃罕垂鏤膺
編欄馭馬騶駘駘蹴霞踏霧碎綺綾天津閣道轡輶較
歸來瑤臺十二層月光照耀玻璃棚下視瀛海波濤砢
龍宮蜃窟寒兢兢歸塘暘谷清可憑鱗甲鏡瑩鰐與鯨

湘妃鼓瑟冰絲絢擬金戛玉萬穴灩琅玕風吹殷峻嶒
琉璃雲母龜貝朋琳房壁甃瑤階陞素鸞振迅霜女扔
璇題瑱牕肅鵲鵲洞晃曛朗眩遙瞪瘁肌砭髓魂欲殤
忽然浮空墮杳曹騏駼電燿羽脫肱天衢阻遐世網罟
昏昏日月歎炎蒸句曲之山萃硎礪楓杉檜栢櫛桂枏
衡蘭杜若蕙蒨萃綠岡被嶺冪礪塍大地浪井瀑練湍
萍蘋繡繪芙蓉淩翬虬蚪千年藤纏絡薜荔縣鬚鬚
敷芳發馥菲芬芳蘼猗猗蛙鵬蒼鷹攀援歛若巖寧崩

寒蜚蟪蛄蟬范蟪嵐餐霭飲喧岌岌先生皮冠衣絳繒
桃枝七尺穿虺螭三茅真君共嗟稱星根絕頂時同登
黃斑黑虎陟降凭石罇甘漿溢若澠神芝吐燄如簣簋
食時動機保不薨驅斥琚瓊除瘕瘕眸光照座生紫稜
舉觴引滿鯨喉渠解后見之喜莫勝揚眉抵掌開蒙顙
人生嘉會安得恒靖恭正直天所初作詩持贈匪妄譏

初夏即景

前日大熱釋我裘昨日一雨涼如秋寒暄倏忽反覆手

冰炭着體何由瘳今朝初晴又欲暖園中草芽輒復抽
嗚呼安得伶倫吹嶰竹四氣不愆同玉燭

近體詩

丙戌歲將赴京師途中送徐明德歸鎮江

疲馬懷空慙征衣怯路塵那堪遠遊子復送欲歸人月
滿西津夜花明北固春論文應有日話別莫悲辛

過南望時守閘不得行

客路三千里舟行二月餘壯顏隨日減衰鬢受風疎蔓

草湏句國浮雲少
吳壩愁心如汶水
蕩漾遶青徐

發景州

澹澹夕風作
蕭蕭蘆葉鳴
林間衆鳥息
河上一舟行
海近雲常濕
天虛月更清
神京看漸近
且緩望鄉情

泛海詠霧

海上苦多霧
北風吹更長
纔交積水氣
已翳太陽光
淺亂洲渚色
深迷鴻鴈行
神姦馮出入
君子慎周防

黃州團湖董氏鏡心樓

團湖四面開明鏡中有高樓接太清絳氣往來蟾影入
碧光浮動日華生雲間威鳳孤飛下空裏遊魚作隊行
安得翠輶呼弄玉金銀臺上卧吹笙

無題三首

一片浮雲萬里心海波無底未爲深虞淵險迫羲和疾
空使傍人詫鄧林

玉樹沉沉結夜愁金陵蔓草沒荒丘誰言錦纜江都去
不見金陵蔓草秋

黃鵠高飛雲路遐
野鳬謀食但泥沙
山中樗櫟年年在
看盡西風木槿花

題墨菊

粲粲金英美可餐
九秋風露與清寒
墨君莫妬天然色
終遣靈均怨子蘭

題沙溪驛

澗水嚶嚶繞郡城
老蟬鳴作車輪聲
西風吹客上馬去
夕陽滿川紅葉明

過閩關九首

關頭霧露白濛濛
關下斜陽照樹紅
過了秋風渾未覺
滿山秔稻八閩中

峻嶺如弓驛路賒
清溪一帶抱山斜
高秋八月崇安道
時見棠梨三兩花

建溪激箭向南流
石齒如鋒鬪客舟
篙子踏歌渾不畏
行人遙望替生愁

驛路高低度嶺關
飛離人語雜夷蠻
江花巧似駝茸白

山果渾如礪礪殷

飯浙香瓊酒漱霞驛亭到處只如家
征夫但恐咨詢闕
莫向天涯怨路賒

漠漠輕雲結晚陰
依依斜日掛遙岑
炊烟忽起桑榆上
散作鮫綃抹半林

道上黃埃撲馬鞍
汗流如水透中單
忽驚踈雨林梢過
急換羅衣更怯寒

劍水悠悠南去深
黃茅苦竹自成林
日烘溪霧生秋瘴

風攪山霏作晝陰

嶺上高秋生火雲
狂雷送雨忽紛紛
鷓鴣更叫空山裏
縱是無愁亦厭聞

錢唐懷古得吳字

澤國繁華地前朝舊此都
青山彌百粵白水入三吳
艮嶽銷王氣坤靈肇帝圖
兩宮千里恨九子一身孤
設險馮天塹偷安負海隅
雲霞行殿起荆棘寢園蕪
幣帛敦和議弓刀抑武夫
但聞當宁奏不見立庭呼
鬼蜮昭華

衮忠良賜屬鏤何勞問社稷且自作歡娛秔稻來吳會
魚鼈出具區至尊巍北闕多士樂西湖鷁首馳文舫龍
鱗舞繡襦暖波搖襞積涼月浸氍毹紫桂秋風老紅蓮
曉露濡巨螯擎擁劍香飯漉雕胡蝸角乾坤大鼇頭氣
勢殊秦庭迷指鹿周室嘆瞻烏玉馬違京輦銅駝擲路
衢含容天地廣養育羽毛俱摘袖馳包貢塗泥賦上腴
斷犀埋越棘照乘走隋珠弔古江山在懷今歲月逾鯨
鯢空渤海歌詠已唐虞鵠革愁何極羊裘釣不迂征鴻

慕南去回首憶尊鱸

題畫梅

天桃能紫杏能紅
滿面塵埃怯晚風
爭似羅浮山礪底
一枝清冷月明中

讀史有感

千古懷沙恨逐臣
章臺遺事最酸辛
可憐日暮高唐夢
繞盡行雲不到秦

分賦臺

突兀高臺紫土成人言暴客此分羸飲泉清節今寥落
可但梁山獨擅名

漫成

階下青苔砌上莎春深烟雨自相和幽蘭生在空山裏
縱有清香奈爾何

至婺州聞官軍自溫處之江東所過皆空遂從
間道還鄉

聞道人家總避軍我亦獨穿豺虎羣莫思身外路多棘

且喜雨晴山出雲林端石磴鶻自占澗底風松猿共聞
他年想象或夢到兩鬢白雪應紛紛

稽句嶺

白日隱巖壑千崕氣勢豪溪流婺女閣山入少微高危
石天歌側長風谷怒號干戈方自此行役敢辭勞

感興七首

昭代仁聲浹九夷野無矛戟有鎡基誰言潢海操兵燹
却產宮庭制禮時廣路駢駢周四牡陰風肅肅漢靈旗

弔民伐罪元戎事旰食宵衣上聖思

清時不樂道干戈鼯鼠其如虎豹何
淮海風雲連鼓角
湖山花木怨笙歌
紫微畫省青烟入
細柳空營白骨多
惆悵無人奏丹宸側身長望涕滂沱

衣冠共喜際雍熙
豈意豺狼負盛時
禮樂百年忘戰久
風雲八陣得才遲
神謀不是問閭識
廟筭誰聞黼宸思
慚愧鰕生懶無用
江湖愁望鬢成絲

將軍意氣薄丹霄
欲把孤航截海潮
蘇武節來無忌死

岑彭營惡子陽驕鷗鴉詩奏忠誰白松栢歌成恨豈銷
悵望天涯一灑淚鯨鯢罔象雜三苗

落日悲風雲滿川家家閉戶少炊烟也知渤海無龔遂
漫憶邯鄲有魯連三尺青萍思出匣數莖白髮望歸田
請看如鏡南樓月此夜清光最可憐

天弧不解射封狼戰骨縱橫滿路傍古戍有狐鳴夜月
高岡無鳳集朝陽琱戈畫戟空文物廢井頽垣自雪霜
漫說漢庭思李牧未聞郎署遣馮唐

天上九關森虎豹人間七澤起龍蛇塵埃不辨風雲色
雨露全歸枳棘花秦國有人迷鹿馬周郊無土載蟲沙
淮濱何日歌常武腸斷嚴城戍鼓撾

越山亭晚望

越絕孤城枕海湄越王亭下景遲遲雲埋夏后藏書穴
草沒秦皇頌德碑鑿齒未馴虞禮樂戈船猶駐漢旌旗
春風淡蕩吹楊柳笑看吳鉤有所思

謁夏王廟有感

一片宮垣粉牋新前王陵廟在松筠玉書金簡歸天地
貝葉曇花詫鬼神滄海波濤紆職貢山川草木望時巡
苗頑未狎虞階舞空使忠良淚滿巾

寒夜忽然有懷周紫巖先生遂成口號奉寄且
以酬黃柑之惠

柱下先生住紫巖倚天愁嶺氣嶢嶢客來每託青猿報
書寄還憑白鳳銜日上寒光生水石月明晴翠落松杉
旅人珍重黃柑贈愧乏瓊瑤答素緘

冬暖

今年南國天氣暖十月赤城桃有花江楓未肯換故色
汀草強欲抽新芽野畦落日舞殘蝶小池過雨喧鳴蛙
城上幾時罷擊柝愁見海雲蒸晚霞

不寐

不寐月當戶起行風滿天山河青靄裏刁斗白雲邊避
世慙商綺匡時愧魯連徘徊懷往事惻愴感衰年

題梧桐折枝翎毛圖

瓊柯碧葉兩參差又是西風白露時
鳳鳥不來嘉實晚
小禽銜上最高枝

題竹根小禽圖

竹露無聲墜碧柯小禽相對啄秋莎
江湖鴈鷺肥梁稻
繒繳連天霧雨多

題畫猫

碧眼烏圓食有魚仰看胡蝶坐階除
春風漾漾吹花影
一任東郊鼠化鴛

漫成

春雨日日送愁來雨中百花渾未開青山不見神禹穴
碧草已滿越王臺魚兒弄水浮還沒燕子尋巢去却回
頭白揚雄嬾獻賦衡門從此掩蒿萊

夏日雜興七首

眼見青苔上短垣忽看碧草翳衡門西來急雨寒聲壯
東望扶桑曉氣昏征戍誅求三載外詩書禮樂幾家存
天涯地角風塵滿極目雲霄漫斷魂

愛此南園僻有餘依稀景物似郊居
風軒自舞蒼簑竹
蓮沼雙遊赤鯉魚
釀酒剝收元亮秫
換鵝時寫右軍書
人生縱意惟踈嬾
莫遣門多長者車

聞道中原沸似糜
倚楹長嘯不勝悲
百年城郭連烽火
千里桑麻委蒺藜
南國久紆方叔旆
東郊未返魯侯旗
五湖何處堪垂釣
腸斷松楸入夢思

故里無書問遠遊
他鄉萍梗漫淹留
盲風恠雨蛟龍喜
荒楚寒蕪燕雀愁
天上古今星北拱
人間日夜水東流

誰能走報西王母乞與還丹駐黑頭

曾樓迢遞俯清郊天際羣山檻外交日暖水禽鳴哺子
風輕沙燕語尋巢綠荷雨洗藏龜葉翠竹烟寒集鳳梢
可嘆仲宣歸未得苦吟終日倚衡茅

夏至陰生景漸催百年已半亦堪哀葺鱗不入龍彫夢
鍛羽何勞燕雀猜雨砌蟬花黏碧草風簷螢火出蒼苔
細觀景物宜消遣寥落兼無濁酒杯

菱葉荷花漸滿池紅榴綠篠正相宜天邊日出園葵覺

地底雲生柱礎知長夏未應炎暑過薄寒恰似晚秋時
朝來苦恹雙青鬢輒向風前學素絲

夏日訪王友文留飲贈詩

長夏園林白晝閑高軒留客雨漫山傾壺竹葉沉沉綠
落樹楊梅顆顆殷檻外新荷搖水佩簷前弱柳舞風鬟
醉來帶月浮舟去忘却塵埃世路艱

題江村風雨圖

日落千山風雨來野昏林黑鳥飛迴風吹烟霧連天起

雨送雷霆入地回
龍母鮫綃雲半濕
巫娥貝闕夜深開
暮寒燕子歸華屋
愁絕餘花委碧苔

次韻和岳季堅見寄

塵埃不見望諸君
江海誰憐鄭廣文
雪裏一筇穿屐出
竹間半榻與僧分
無人問字朝眠穩
有客論詩夜坐勤
豹袖羊裘等黃土
金章紫綬漫浮雲

題鑑湖送別圖

曲岸扁舟艤澄湖
祖帳開雲生秦帝碣
雨映越王臺荷

氣清瑤席波光灩玉盃情深不忍別欲去更徘徊

次韻和王文明雨中雜興四首

積雨纍十日平湖添半篙風連箕畢動雲傍斗牛高水
鵲巢林木池魚上野蒿農人愁餓莩採擷到溪毛

白日迷陰陸濃雲沒大荒雨深筠簟潤雲逼葛衣涼虎
豹歸林濕魚龍赴壑長波濤渺清落悽惻解鳴璫

濕雲看欲薄陰氣未全收日月昏昏見鼃鼃頷頷浮虛
簷騰舂蟹壞壁湧蜉蝣幽獨無人問含情謾上樓

青冥不可見朱夏已無多雲木光浮沒川原氣盡磨荒
蕪一將略浩汗五湖波去去滄浪水君聽鼓枻歌

次韻高則誠雨中三首

短棹孤蓬訪昔遊冷風淒雨不勝愁江湖滿地蛟螭浪
杭稻連天鼠雀秋莫恠賈生偏善哭從來杞國最多憂
絕憐窓外如珪月只爲離人照白頭

霖雨蕭蕭泥客途歲華冉冉隙中徂不知燕趙車千乘
何似嵩卬飯一盂露冷芙蓉捐玉佩天寒薏苡結明珠

東鄰艇子如堪借去釣松江巨口魚

吳苑西風禾黍黃越鄉倦客葛衣涼
楸梧夜冷烏驚樹
霜露秋清蜂閉房天上出車無召虎
人間賣卜有王郎
干戈滿目難回首夢到空山月滿堂

次韻和謙上人秋興七首

一自中原萬馬奔江淮今有幾州存
龍韜豹略癡兒戲
穰李天桃猛士門廢壘秋風銷戰骨
荒郊夜雨泣冤魂
江湖愁絕無家客佇立看天淚眼昏

東海波濤激迅颺西風氛霧虎狼驕高牙畫戟尊方伯
繡段黃封出內朝無客金戈撻鑿齒有人玉帳舞弓腰
武陵日暮桃花盡何處林泉可採樵

霜飛大野氣淒清日落荒村少客行投筆班超空食肉
登樓王粲獨傷情海壖雨翳旌旗影淮甸雲埋鼓角聲
中夜起瞻天北極鬢毛蕭颯憶神京

浙江流水繞東吳佳麗猶傳故國都紅錦漫山春雨後
黃雲壓樹曉霜餘嬌鶯逐暖歸牙帳征鴈衝寒送羽書

惆悵南園釣舟子
蒺藜滿地不勝鋤

繡幕香幃隱日華
金鞍玉轡巧矜誇
深山霧雨驅生虎
大海波濤虺作蛇
撲檄有枝寒集鴉
梧桐無葉夜啼鴉
涼風嫋嫋吹游子
何處松楸是汝家

故鄉知己不曾逢
滿目雲山恨百重
斥候霜清寒夜拆
譙樓風急曉城鐘
此時遶樹憐烏鵲
異縣携家想駉蛩
獨向晴簷問梅蘂
數枝和雪爲誰容

江上悲風起白波
山中芳草柰愁何
紫菱青荇鮫人舞

翠藟蒼藤木客歌曠野煙塵迷虎兕長亭泥濘沒驪駒
濁河日夜東流去腸斷霓旌影駁娑

次韻和天童良上人見寄

不辭塵匣掩青萍願見天邊隕盜星白日有時容黑子
紫微終古照玄冥輕風淪雪歸蘭汜細雨涵春入草亭
但得此身彊健在江山相見眼長青

靈峰寺松風閣

靈峯寺閣倚松風風細松高閣更空何處流泉生石上

有人鳴玉下雲中
花飄霧露春香滿
影動龍蛇曉日融
安得身如列禦寇
翩翩高舉出冥鴻

秋興

天淨山月出水寒
沙鳥鳴孤燈秋後思
短笛夜深情江海
空衰鬢乾坤未弭兵
清都隔河漢訶禁有開明

晚思

返照吳山外
歸雲越水頭
寧捐白羽扇
却著黑貂裘
草暖鳬鷺渚
波香杜若洲
艱難愧生事
汗漫想扁舟

雲門寺作

若耶溪頭過新雨雲門寺前芳草長好將薜荔紉衣帶
更取辛夷結佩纓綠鬢朱顏非昔日茂林脩竹是他鄉
東風且莫吹花盡遠客傷春易斷腸

次韻和朱伯言自雲門之天衣途中作

即看梅蕊發江南漸見柔桑可浴蠶日鑄雨餘峰似髻
雲門煙合樹如藍青猿不避游人過碧澗能消宿酒酣
况有山僧頗解事何妨聊駐使君驂

法華山弘上人

可愛寒潭似鏡清
清光寒氣襲軒楹
草根流水泠泠出
石上潛魚箇箇橫
翠鶻驚風和露滴
白沙得雨照人明
故鄉近報猶豺虎
愁對滄浪詠濯纓

自天衣還城贈伯言

城上餘寒曉氣凝
湖邊春樹綠層層
一山獨表秦王望
衆水皆朝夏后陵
白眼嗣宗終嗜酒
青鞋子美謾尋僧
仙都石室烟霞裏
早晚相携策瘦藤

為黃元徽題畫松

黃子宅邊松十尋兩株相倚自成林
半空鸞鳳翻清影
長日笙竽奏好音
豈但茯苓能却老
更多琥珀可安心
風塵瀕洞還相憶
寫掛高軒恨最深

題畫紅梅

水晶宮裏玉真妃
宴罷瑤臺步月歸
行到赤城天未曉
冷霞飛上六銖衣

題扇面牡丹花

沈香亭畔月華流
掌上孤鸞鏡裏愁
舞罷春風却回首
六宮紅粉總包羞

題扇面荷花


玉井芙蓉紅粉腮
何人移向月中栽
高軒忽漫看圖畫
疑是昭陽曉鏡開

誠意伯文集卷四

謹案第五頁後三行額森舊作也先今改正

欽定四庫全書

國



總校官候補中書臣吳紹灤

校對官中書臣張培

謄錄監生臣張虎文